

লেখা ও ছবি : উইলিয়াম ডে ভিঙ্ক

মশীহ যীশু

ম
শী
হ
যী
শু

সর্ব সময়ে মহান কাহিনী




MILLENDE KINK

বিষয়তাং মাদা ?



স্বর্গদূতঃ সেকনেফানে গইসা অদৃশ্য
খবরঅলা। (পৃষ্ঠা - ৫)

আশীর্বাদঃ যা সেকনেফা কুরিনা নেই, উয়া
যুদি মান্দাইতাং কুরি তাহংঅউ বেবাক নাম্মাই
জিনিস সেকনেফা মান্দাইকো হন্না নেই।




পবিত্র বাইবেলঃ বাইবেলনে মাঝঝিঅউ না
পড়ি়না মান্না - সেকনেফা মান্দাইকো বাদাই
গিদা নুকা আর উতাংনে লগে বাদাই ব্যবহার
কুরি।

প্রভুর ভোজঃ যীশুনে শিষ্যতাং ফিত্তা ও
আংগুর রসনে মাঝঝিঅউ হন্নায় ওনে সিওয়া,
আর সিওয়া তুচ্ছি থাংওয়া হংওয়ানে বিষয়
মনো কুরি। ইক্ক প্রভু গেদেল নিয়ম
আগানিয়া। ইয়ান সালঅউ যিহুদীতাং নিস্তার
পর্ব পালন কুরি দংয়া।



ক্রুশঃ ইয়া গইসা অত্যাচারনে যন্ত্র যানে
সেক্কেউ যীশু সাকসানে আত্মত্যাগনে মাঝঝিঅউ
সিওয়ানে লাগি হেংনিং। আর যীশুনে
শিষ্যতাংনে লাগি উয়া গইসা চিহ্নঅউ
পরিণত হংইয়া। (পৃষ্ঠা- ২৫ ও ৫০)



শিষ্যঃ যীশুনে অনুসারিতাং (পৃষ্ঠা- ১৮)

ইস্টার সানডে- ইয়া হংইয়া সিওয়া তুচ্ছি
প্রভু যীশুনে থাংওয়া হংওয়ান চাকাতনানে সাল।



অনন্ত জীবনঃ প্রভু যীশুনে লগে জীবন-যাপন,
ইয়া সেকনেফানে ইচ্ছা। ইয়ান হংইয়া
সিওয়াকো জয় কুরিওয়া, যে জীবননে কোন
ক্ষমা দংজা।

বিশ্বাসঃ সেকনেফা যা কুরিনানে লাগি প্রতিজ্ঞা
কুরিয়া, তা উয়া কুরিগা ঐ বিষয়অউ নানে
আস্থা দন্না।(পৃষ্ঠা-৫৮)



ক্ষমাঃ সেকনেফা ক্ষমা কুরি, যুদিও ইনালাগি
কেউয়ান উপযুক্ত নং। যুদি না পাপনে লাগি
অনুতত্ত হংওয়ান মন পরিবর্তন কুরি তাহংঅউ
সেকনেফা নাক্ক ক্ষমা কুরিগা। সম্ভবঃ কারণ
চিংয়াতাং যে শাস্তি মান্নানে যোগ্য; উয়া যীশু
সাকসা গ্রহন কুরিয়া। (পৃষ্ঠা-৫৮)

সেকনেফানে রাজত্বঃ যেথউ মান্দাই উনে বাধ্য
হংয়া অথউ সেকনেফানে রাজত্ব উপস্থিত হংয়া।

পবিত্র জাংগিঃ যেতাং যীশুকো অনুসরন কুরিনিয়া,
উতাংনে মাঝঝিঅউ সেকনেফানে জাংগি অবস্থান
কুরিনিয়া (পৃষ্ঠা-৫৮)

যীশুঃ সেকনেফানে দইনে মিং, মানে উদ্বারকর্তা
সেকনেফা।

মশীহঃ অভিষিক্ত রাজা। মশীহ গইসা হিব্রু শব্দ
যেক্ক গ্রীক ভাষাঅউ খ্রীষ্ট আগানা হংয়া।
(পৃষ্ঠা ৫২-৫৫)

প্রার্থনাঃ সেকনেফানে লগে রা আগান। জোড়ে
জোড়ে বা যুক্তিযুক্তি নিস্তার হংওয়ান আগান, আর
উনে রা খেনজুক। (পৃষ্ঠা-১৮,১৯,৪২)

পুনরুত্থানঃ যীশু সিওয়া তুচ্ছি থাংওয়া হংওয়ান
চাকাতনিং। গইসাসাল বেবাকানই সিওয়া তুচ্ছি
থাংওয়া হংওয়ান চাকাতগা। উনেপর সেকনেফা
বেবাক মান্দাইনে বিচার কুরিগা। (পৃষ্ঠা- ৫৩-৫৭)

পুনরাগমনঃ যীশু আবার যেসম পৃথিবীচা ফিরি
হেবাগা ঐসম বেবাকানই গেদেল হংগা, আর
স্বর্গ ও পৃথিবীও সেকনেফো গেদেল কুরি হংগা।
(পৃষ্ঠা-৫৭)

শয়তানঃ শয়তান; মান্দাই ও সেকনেফানে শত্রু
যেক্ক নুকনা হেংজা (দুষ্টা বা পাজি আগানায়ও
বর্ননা কুরিওয়া হেংয়া)।

পাপঃ পাপ হংইয়া ইন্দায় বিষয় যা চিংয়াতাং
সেকনেফানে বিরুদ্ধঅউ কুরি। আর পাপ
চিংয়াতাংকো বাদা হন্না যেন চিংয়া সেকনেফানে
থিক কুরিওয়া লক্ষ্যঅউ না হেংনা মান্না। (পৃষ্ঠা-৪)

সেকনেফানে দইঃ যীশুনে মিং। উয়া দংনিং
সেকনেফা আর পৃথিবীচা মান্দাই হংওয়ান হেবিয়া।



মশীহ যীশু সারা?

যীশু পরায় দুই হাজার বছর আগে যিরূশালেমঅউ দংগানিং। চিংয়াতাং উক্ক মশীহ যীশু খ্রীষ্ট আগানায় রিগামগানিং। ইনে মানে হংইয়া উয়া রাজা। উয়া কেবল রাজা নং, উক্ক সেকনেফানে দই আগানায়ও রিগামা হংগানিং। আর মান্দাই দই আগানায়ও রিগামা হংগানিং। ইনে মানে হংইয়া উয়া সেকনেফানে কান্দউ তুঙ্কি হেবিয়া আবার মান্দাই তুঙ্কিও হেবিয়া। মশীহ যীশু খ্রীষ্টনে জীবন কাহিনী পবিত্র বাইবেলঅউ বর্ননা কুরিওয়া হংইয়া। ইয়া সর্বকালনে, সর্ব সমনে; সর্বশ্রেষ্ঠ কাহিনী।

মশীহ যীশুনে সময়কাল

মশীহ যীশুনে আশুদাগালনানে সম তুঙ্কি চিংয়াতাংনে বছর গুনা আরম্ব হংইয়া। ঐসম মান্দাই দাথেংঅউ, ঘরা ও গাদানে জাংগুলনে সেক্কঅউ দৌয়ায় ঘুরি রিয়ামগানিং। ইউরোপনে বাংখালা বক্ষরা, মধ্যপ্রাচ্য আর উত্তর আফ্রিকা রোমান সামরাজ্যনে অধীন দংনিং। ইস্রায়েলনে যিহুদীতাং বাদে আর কেউয়ান লেখাপড়া মামানজানিং। যিহুদীতাংকো শাস্রঅঙ আগানায় রিগামা হংগানিং। শাস্রনে মাঝিঝাঅউ হন্নায় সেকনেফা রা আগানা। উয়া দংয়া, আর বেবাক কিচ্ছুনে সৃষ্টিকর্তা। উয়া বেবাক মান্দাইনে বনাই হংনা নেই। যীশু ইক্ক বেশ নাম্মাই কুরিই ফুনুকিয়া।





যীশুনে সমকালীন ইস্রায়েল

রাজধানীঃ যিরূশালেম

প্রদেশতাঃ গালীল, শমরিয়্যা, যিহূদীয়া

আয়তনঃ প্রায় ২৮০০০ বর্গ
কিলোমিটার (১০৮১০ বর্গ মাইল)

জলবায়ুঃ গ্রীষ্মপ্রধান

রাজনৈতিক অবস্থাঃ ৬৩ খ্রীষ্টপূর্ব তুর্কি
ইস্রায়েল রোমীয় শাসনে অধীন দংনিং।

সরকারঃ রোমীয় শাসক পন্তিয় পিলাত দংনিং
ইস্রায়েলনে শাসনকর্তা। আর রোমীয় সম্রাট
টিবারিয়াস উনে সেক্ৰউ রাজত্ব কুরিগানিং।

ধর্মঃ যিহূদী ধর্ম। যিরূশালেমঅউ যিহূদীতাংনে
গইসা উপাসনালয় দংনিং। অথউ পুরোহিততাং
সব ধর্মীয় কামকাজ পরিচালনা কুরিগানিং।
অথউ ধর্মগুরুতাং (যেমন ফরীশীতাং) ধর্মগ্রন্থ
বাইবেল তুর্কি আদেশ উপদেশ হনগানিং।

ভাষাঃ হিব্রু ভাষা (যিহূদীতাংনে ভাষা)
গ্রীক ভাষাঃ (আন্তর্জাতিক ভাবে ব্যবহৃত)
ল্যাটিন ভাষাঃ (রোমীয়তাংনে ভাষা)



মানা ইয়ান মান্দাইতাং গাংনে কান্দউ গইসাথেয় হংনিয়া ?



সাকসাকো প্রসতুত কুরিজুক,
সেকনেফানে রাজ্য হেবানিয়া !



গেদেল জীবন আরম্ভ কুরিজুক !



ফাংনে গুদিঅউ সেকনেফানে
শালিশনে করাল সেত্তেপওয়াই
দংয়া ...



যে ফাংতাং নাম্মাই বিথায় হনজা,
উতাংকো দেংয়ায় হলঅউ ফিয়ায়
হন্নোয়া হংগা !



চিংয়াতাংকোবা ইন্দায়
দেংওয়া হংগা। সারা নাম্মাই
জীবন-যাপন কুরিনা মাম্মা ?

বেক্সিয়ানানই! কেওয়ানই সেকনেফানে শালিশ
তুক্কি খাতনা মাম্মাজা। কিন্তুয়ান আংনে পরচা
আর গইসা হেবানিয়া উয়া ভিতর তুক্কি বাইরচা
বেবাক বিষয় পরিবর্তন কুরিনা মাম্মা।



যুদি বেক্সিয়ানানই না নানে জীবন
পরিবর্তন কুরিনা নেই, তাহংঅউ নানে
পাপকো স্বীকার কুরিজুক আর ইনেপর
চিঅউ লামি অবগাহন হাংজুক।



গইসা গেদেল জীবন আরম্ভ কুরিনা লাগি
না দাউ নানে পাপ সূত্তায় হাংইয়া।

নদীনে কান্দারানে ধর্মগুরু যোহন
বাণ্ডাইজক বেবাককো রিগামিয়া....

আংয়া গুরুত্বপূর্ণ নং। যেয়ান
চিংকো ফুনুকায় হনগা
সেকনেফা সারা? আংয়া উনে
লাগি রামা প্রসতুত কুরিনিয়া।
উয়া নাক্কো সেকনেফানে
জাংগিঅউ অবগাহন হনগা।
যা নাক্কো এক্কেবারে পরিবর্তন
কুরি হনগা।



আর ইনেপর



আংনে.....আংনে
নানে কান্দউ তুঙ্কিই
অবগাহন হাংওয়া
উচিত।



দাউ ইন্দাই কুরিজুক।
ইনেপর সেকনেফা যা
নেই চিংয়া উয়াই কুরিগা।




ফা, নানে রাজ্য হেবাসিং আর
নানে ইচ্ছা পূর্ণ হংসিং।



ইনেপর স্বর্গ তুঙ্কি গইসা
রা খেনা হেংইয়া....

হং, না আংনে
প্রিয় দই, আংয়া
নাক্কো মগতা, আর
আংয়া নানে সেক্কেউ
বেজায় খুশি।



ইয়া চিংযাতাংনে কালনে আরম্ভ, যেসম যোহন বাণ্ডাইজক ইস্রায়েল জাতিকো খ্রীষ্টনে হেবারানে লাগি প্রসতুত কুরিয়া ঐ সম ইস্রায়েল দংনিং বিশাল রোমান সাম্রাজ্যনে গইসা বিসা অংশ মাত্র।



ইস্রায়েলউ যিহূদীতাং সাকসানতাংকো অসহায় আর অইত্যাচারিত মনো কুরিগানিং। ইনালাগি মান্দাইতাং ঐ সময়নে মুখি নিসিকায় দংনিং যে, মশীহ বাসম হেবাগা। উয়াই দংনিং উদ্দারকর্তা, যানে হেবানানে ভবিষৎনে রা গেচেম যিহূদী শাস্ত্র মাঝ্‌বিঅউ লিফুয়া দংয়া। ইয়ান খ্রীষ্টই সেকনেফানে ন্যায্যতানে সফল বাস্তবায়ন কুরিগা।

অবগাহন হন্না মান্দাই যোহন জর্দন নদীনে কান্দারায় যীশুকো পরিচয় কুরি হন্নিয়া।

নুক! ইয়ানই সেকনেফানে মেমশাবক, যেয়ান পৃথিবীনে বেবাক পাপ রিক্কাই হনগা।



উনে অবহাগননে পরচা, সেকনেফানে পবিত্র জাংগি যীশুকো মরুভূমিনে মুখি হায় হেংইয়া।

উয়া অথউই চল্লিশ সাল আর অল দংইয়া। উয়া যেসম অথউ দংনিং ঐসম উয়া কিচ্ছুয়ানই চাজিয়া আর রিংজিয়া। উয়া প্রার্থনা কুরিনিং আর উনে আসল কাম মাদা? ইয়া নাম্মাই কুরি মামান্না নেইয়া।



যীশুকো সফল হংনা হংঅউ, পৃথিবীচা সেকনেফানে যা ইচ্ছা উক্কা ওয়াই কুরিনা হংগা। আর সেকনেফানে পরিকল্পনা হংইয়া, যেন পৃথিবীনে মান্দাইতাং সিওয়ানে জাক তুঙ্কি মুক্তি মান্না।

হং, ফা, না যা নেই, আংয়া উয়াই কুরিগা।

যীশু আন্দারনে মাথাইকাপ্পাল শয়তাননে মুকাবেলা কুরিয়া। শয়তান সিওয়া আর ধ্বংস হন্নায় পৃথিবীকো শাসন কুরিনিয়া।



কিন্তুয়ান শয়তান যীশুনে বিরোধী, আর বেবাক সম
বাদা হননিয়া যেন সেকনেফানে ইচ্ছা সফল না হংয়া।

না যদি সেকনেফানে দই হংয়া, তাহংঅউ
ইয়ান পাথরকো ফিত্তা কুরি ফুনুকজুক!

নং, বাইবেলঅউ ইয়ান রা লিম্ফুয়া দংয়া;
মান্দাই কেবলান ফিত্তাচা থাংনাজা কিন্তুয়ান
সেকনেফানে রানে দরকার দংয়া।



না যদি বেবিয়ানানই সেকনেফানে দই
হং, তাহংঅউ উপাসনা নকনে সেক্কাউ
তুক্কি ফাল হন্নায় প্রমান কুরি ফুনুকজুক।
ইয়ান ত লিম্ফুয়া দংয়া যে, স্বর্গদূততাং
নাক্ক বহন কুরিগা।

না যদি সাম্বাসি হন্নায় আংনে উপাসনা
কুরি, তাহংঅউ আংয়া পৃথিবীনে বেবাক
ক্ষমতা নাক্ক দান কুরিগা।

আর শয়তান যীশুকো সাকসা দন্নায়
হেংয়ায়সক্কিয়া, ও স্বর্গদূততাং যীশুনে
সেবা কুরিনা হেবিয়া।



ইয়ানবা লিম্ফুয়া দংয়া যে,
সেকনেফাকো পরিক্ষা কুরি নং।




চেপ্পুয়া হেং শয়তান! ইয়ানবা লিম্ফুয়া
দংয়া, সেকনেফা গইসাই, উয়ানই
কেবলান উপাসনা ও সেবা মানগা।



যেসম যীশু গালীলঅউ ফিরি হেংইয়া, ঐ
সম উয়া পবিত্র আত্মাচা পূর্ণ দংনিং। যীশু
উত্তর ইস্রায়েলনে গইসা জনবসতিপূর্ণ
প্রদেশনে মাঝিবাঅউ মাথাই হংইয়া।
যেসম উয়া রামা কন্দায় রিয়ামগানিং,
ঐসম বাংখালা মান্দাই উনে লগে
হেংগানিং। উতাং আগ্রহনে লগে মামান্না
নেইগানিং, যীশুই কি ঐ খ্রীষ্ট যানে
বিষয়অউ ভাববাদীতাং লিম্ফি হেংইয়া?




গালীলনে কোন গইসা পাহরনে কান্দউ কান্না
নগরঅউ গইসা সাংগা অনুষ্ঠান হংনানিং ।



যীশু ঐ অনুষ্ঠানঅউ উনে মাযু
আর বনাইতাংনে লগে হেংনিং ।





গালীল নদীনে তীরঅউ কফরনাহুম দংনিং জাল্লুয়াতংনে লাগি গইসা উন্নত গেরাম । এথউ তুন্ধিই যীশু সেকনেফানে রাজ্যনে বিষয়অউ মান্দাইতংনে সম্মুখঅউ রা আগানা আরম্ভি কুরিয়া ।



এথউ পয়লা উয়া উনে
শিম্ব্যাতংকো বান্চি হাংইয়া ।



পিতর - অতল সমুদ্রঅউ
হেং আর নানে জাল ফি ।



প্রভু ! চিংয়া সারা অলবরি বাংখালা কষ্ট
কুরিয়া, কিন্তুয়ান কিচ্ছুয়ান রমনা মানজিয়া



কিন্তুয়ান, না যুদি ইন্দাই আগানা.....



মাদা! আংয়া ইয়া
বিশ্বাস কুরিনা মান্নাজিয়া !



যাকোব ! যোহন ! এখউ
দৌয়ায় হেবা ! ইয়া
আজীবননে লাগি রুম ।



প্রভু, আংকো ছাড়ি হন।
আংয়া গইসা পাপী মান্দাই।

পিতর, খেন নং।



হেবা, আংকো অনুস্বরণ
কুরিজুক ! আংয়া নাক্ মান্দাই
রমনা জাল্লুয়া কুরিগা ।



আংকো অনুস্বরণ কুরিজুক !

যীশু উনে শিষ্যতাংকো হয় সারা গালীল
প্রদেশ রিয়ামায় রিয়ামায় বেবাকনে
কান্দউ সেকনেফানে রাজ্যনে বিষয়অউ
আগানা নাংইয়া। ঐ সম উয়া
মান্দাইতাংনে বেবাক গিদা বেরাম নাম্মাই
কুরিয়া। নামজা জাংগি রিক্কায় হন্নিয়া।
মান্দাইতাং উনে কাম নুঙ্কায় অবাক
হংইয়া আর উক্ক অনুস্বরন কুরিনা
নাংইয়া। অন্যান্য প্রদেশ ও ইস্রায়েলনে
রাজধানী যিরুশালেম তুঙ্কিবা মান্দাইতাং
হেবানা নাংইয়া। উতাং উনে প্রত্যেক
রাঅউ বিশস্ত দংয়া।



ধন্য উতাং, যেতাং আক্কালী,
কারণ স্বর্গরাজ্য উতাংনেই।


ধন্য যেতাংনে উক্ষুরি দংয়া, কারণ
উতাং পরিতৃপ্ত হংগা।



ধন্য যেতাং দুক্কু কুরি, কারণ
উতাং সান্তনা মানগা।



ধন্য নাতাং, যে সম মান্দাইতাং আংনে
লাগি নাতাংকো গিন্না ও অইত্যাচার কুরি।
মগরায় আনন্দ কুরিজুক, কারণ স্বর্গঅউ
নাতাংনে লাগি বাংখালা উপহার দংয়া।



না সাকসা অন্য মান্দাইতাংনে কান্দউ
তুঙ্কি যেন্দাই খাইচলত মান্না নেই, নাবা
অইন্যতাংনে লগে উন্দাই কুরিজুক ।



না নানে শক্রতাংকো মগতগা,
আর উতাংনে লাগি প্রার্থনা কুরিজুক ।



না মান্দাইতাংনে বাক্ষানি মান্নানে লাগি নং,
বরং বুঞ্জায় উতাংনে নাম্মাই কুরিজুক ।



যে কেউয়ান কোন মিচ্চিকনে মুখি
কামভাবনে লগে নিশিকায়, উয়া
ঐ সমই মনো মনো ওনে লগে
ব্যভিচার কুরিয়া ।



নুক্কুরং হাননে হল্পক। যদি নানে নুক্কুরং
নাম্মাই হংয়া, তাহংঅউ নানে সারা হান
হল্পকঅউ পূর্ণ হংগা। কিন্তুয়ান নানে নুক্কুরং
যদি নামজা হংয়া, তাহংঅউ নানে সারা হান
আন্দারঅউ পূর্ণ হংগা ।



সেকনেফা অথবা সম্পত্তি যাই হংসিং,
কেইয়ানই দুই প্রভুনে সেবা কুরিনা মান্নাজা ।




মিজানে লাগি চিন্তিত হং নং, পয়লা
সেকনেফানে রাজ্যনে বিষয়অউ চেষ্টা
কুরিজুক, তাহংঅউ ঐতাং হন্মোয়া হংগা ।



না যদি আংনে রা অনুসরন কুরি, তাহংঅউ না ইন্দাই গইসা মান্দাইনে গিদা
যেয়ান পাথরনে সেক্কউ উনে নক খায়া। যদি না ইয়া না কুরি, তাহংঅউ
না ইন্দাই গইসা মান্দাইনে গিদা যেয়ান বালুনে সেক্কউ উনে নক খায়া ।







বিশ্বাস কুরিওয়া হেংজা!


হং, আংয়া
রিয়ামনা
মান্নিয়া!

উয়া রিয়ামনিয়া!

কিন্তুয়ান বেবাকেই যে যীশুনে কাম হায় খুশি, ইয়া নং। যীশু বিশ্রামবারনে নিয়ম কানুন মান্য কুরিনিয়া না মাদা? ইয়ানে ধর্ম নেতাং লক্ষ্য কুরিনিয়া। ঐ সম বিশ্রামবারঅউ কোন গিদা কাম রক্ষ্মুয়া ইস্রায়েলতাংনে মাঝিবাঅউ এক্কেবারে নিষিদ্ধ দংনিং।



এথউ গইসা মান্দাই দংয়া যানে জাক রান্নুয়ায় হেংইয়া। ইয়ান সালঅউ উক্ক নাম্মাই কুরিনানে অনুমতি মান্না হেংগা?



নানে জাক আগ্নুয়ায় হন।



অহ্! আংয়া সুস্থ হংইয়া!



চিংয়া উক্ক ক্ষেমা কুরিনানে রামা মান্নিয়া!

উয়া যে জাতিকো বিপদগামী কুরিয়া, ইয়া যিরুশালেমনে নেতাংকো অবশ্যই আগাননা হংগা।

গালীলনে নদীঅউ রিয়ামনা লাগি যীশু
উনে শিম্যতাংকো হায় রুংঅউ দৌয়িয়া।



প্রভু, সাহায্য কুরিজুক!
চিংয়াতাং নাপ্রায় হেংনিয়া!




নাফারা খেননিয়া মানা?
নাতাংনে বিশ্বাস বাথউ?





যুক্তি করিজুক!
নিভাল হংজুক!



উতাং উতাংনে রংকো নদীনে কান্দারায়
খায়ইয়া। কিন্তু পাহারনে মাঝিরাঅউ.....

অবাক.....!

ঐ পাহারনে মাঝিঝাউ গইসা নামজা
জাংগি মান্নোয়া মান্দাই দংগানিং.....




উয়া হেবানিয়া!

উক্ক! উঃ!



বেশ, বেশ। যীশু!



নামজা জাংগি, উক্ক ছাড়ি হন!

সর্বশক্তিমান সেকনেফানে দই
নানে লগে আংনে সম্পর্ক মাদা?



নানে মিং মাদা?


দক্ষায় হেংনা হন, কারণ
অথউ চিংয়া বাংখালা দংয়া।



ঐ অকতাংনে মাঝিঝাউ
চিংয়াতাকো হেংনা হংসিং।



হেং!





আংয়া নাতাংকো আগাননিয়া, দই সাকসা তুন্ধি কিচ্ছুয়ানই কুরিনা মানজা। ফাকো যা কুরিনা নুন্ধা, উয়া খালি উয়াই কুরি। আংয়া ফানে ইচ্ছা গিদা কাম রুন্মা, সাকসানে ইচ্ছা গিদা কুরিজা। উয়া সাকসা, যেয়ান আংকো হন্নতিয়া।



যীশু নিয়মিত প্রার্থনা কুরিনা হেংয়া।



সারা অল প্রার্থনা কুরিনানে পর যীশু উনে বারো শিষ্যকো মনোনীত কুরিয়া। উয়া উতাংকো দুই দুইজন কুরি বাইরচা হন্নতিয়া। উয়া উতাংকো বেবাক নামজা জাংগি ও বেরামনে সেক্কেউ যুজা হন্নিয়া।



পিতর আর আন্ড্রিয় উতাং দুই আদা।



যাকোব ও যোহন দুই আদা.....



ফিলীপ ও বর্থলময়.....

থোমা ও মথি (মথি রোমান
শাসকনে কর হাংনাকারি দংনিং)



থদ্দেয় ও অন্য যাকোব



যোদ্ধা শিমোন ও
ইস্করিয়োতীয় যিহূদা।



হেং, যে নাতাংকো গ্রহন কুরিগা, উয়া আংকো গ্রহন কুরি। আর যে
আংকো গ্রহন কুরি, উয়া , আংকো যেয়ান হন্নতিয়া উক্কই গ্রহন কুরি।



বারো জন শিষ্য উতাংনে কামনে
বিষয়অউ উৎসাহ হয় ঘুরি হেবিয়া।
ইনেপর যীশু উতাংকো হয় গইসা হোনা
থেয় হেংনা নেইয়া, কিন্তুয়ান মান্দাইতাংনে
ভিড় উনে খিচাং ছাড়িজিয়া।

শস্য বাংখালা কিন্তুয়ান কাম রন্মনানে মান্দাই চুকুইসা। শস্য চান্তিনে মালিকনে কান্দউ
প্রার্থনা কুরিজুক, যেন উয়া শস্য সংগ্রহনে লাগি বাংখালা কার্যকরী হন্নতায় হন্না।





যীশু রা আগাননিয়া, আর বেরাম নাম্মাই কুরি
রিয়ামনিয়া। বাংখালা দেরি হংয়ায় হেংনিয়া.....

ফিলিপ; এত্ত মান্দাই, বাদাই কুরি চানানে ব্যবস্তা
কুরিগা? মানা না উতাংকো চুকুইসা হননাজিয়া?



এথউ পরায় আট মাসনে আয়নে
সমান চেকেতানে দরকার দংয়া।

বেবাক মিলি এথউ গইসা দইনে কান্দউ
পাচটা ফিত্তা আর দুইত্তা না দংয়া।



বেবাক মান্দাইকো পধ্গশ জন কুরি
লাইন রুম্মায় আসংনা আগান।




যীশু সেকনেফাকো রওজাদং হন্নিয়া.....



যীশু ফিত্তা আর না ফেইয়িয়া।



যীশু যেন্দাই চানা ফেইয়ায় হন্নিয়া উয়া
আজার আজার মান্দাই চাইয়া.....



হাচাই উয়া খ্রীষ্ট, যানে
হেবানানে রা দংনিং।

চিংয়া উক্ক রাজা
কুরিনা লাগি মান্নিয়া!




নুকা! অথউ আরো
বারো চাংগারি চানা
বাংখালা দংয়া !



দাউ মান্দাইতাং নক্কউ ফিরি হেংসিং। নাতাং রুং হায়
নদীনে ওপ্পার হেং। আংয়া প্রার্থনানে লাগি এথউ দংনিয়া।






অথউ চুকুইসা মান্দাই নুকা হেংনিয়া যেতাং যীশুকো রাজা আগানায় ঘোষণা কুরিনা নেই । উতাং মনো কুরিনিয়া যীশুনে নেতৃত্বউ রোমান শাসন চেঙ্লুয়া হংগা । গইসা লগে যীশুনে শত্রুতাংবা বাংখালা হংনা নাংয়িয়া । উতাং সারা সম উনে সমালোচনা কুরিনা দংইয়া । উতাং মান্দাইতাংকো উনে বিরুদ্ধউ উত্তেজিত কুরিনা দংইয়া আর উক্ক বাইর কুরি হাবানা নেইয়া ।



প্রভু, না এথউ বাসম হেবিয়া?

নাতাংকো আংয়া ফিত্তা হননিং আগানায় কি নাফারা আংকো নেমনিয়া?

যে চানা পচ্চি হেংয়া উনে লাগি চিন্তা কুরি নং, কিন্তুয়ান ঐ চানানে লাগি চিন্তা কুরিজুক, যা অনন্ত জীবন তুমাক দংয়া ।



আংয়াই ঐ ফিত্তা যা অনন্ত জীবন হন্না মান্না । আংয়া পৃথিবীনে জীবননে লাগি যে চানা হনগা উয়া আংনে হান ।



ইয়ান মান্দাই বাদাই কুরি চিংকো চানানে লাগি উনে হান হন্না মান্না?

ফাউ রা!



হি, চিংয়াতাং হেংয়া ।

উয়া খালি খালি বেবাককো বোগাবাগি হন্নিয়া ।



নাফারা কি হেংয়ায়সকনা নেই ?

প্রভু, চিংয়াতাং সানে কান্দউ হেংগা? নানে কান্দউ অনন্ত জীবননে রা দংয়া!



যিরূশালেমেনে বাইরচা পরায় মান্দাই খুন হংয়া। উতাংকো ত্রুশনে সেক্‌উ চুমওয়া হংগানিং, যা দংনিং রোম সরকারনে গইসা নিষ্ঠুর প্রান দন্ডনে শাস্তি।



যুদি কেউয়ান আংনে হংনা নেই, তাহংঅউ উয়া সাকসাকো আলাদা দনগা। আর সাকসানে ত্রুশ বহন কুরিগা ও আংকো অনুস্বরন কুরিগা।



যেতাং সাকসানে জীবন রইক্ষা কুরিগা, উতাং উতাংনে জীবন গেমায়গা। কিন্তুয়ান যেতাং আংনে লাগি জীবন গেমায় উতাং উয়া নেম্মায় মানগা।



না নিশ্চয় মামানা যে, গইসা মাত্র সেকনেফা দংয়া।



গুরুত্বপূর্ণ বিষয় হংইয়া, নানে যা কিচ্ছু দংয়া উনে বেবাক হয় নানে সেকনেফাকো মগতজুক। আর না যেন্দাই সাকসাকো মগতা, উন্দাই অইন্যাকো মগতজুক।



ঐ সম ইস্রায়েল দেশঅউ কুষ্ঠ বেরামীতানে গেরাম দংনিং কুষ্ঠ গইসা ভয়ংকর বিগুল পচা বেরাম।
যেতানে ইয়ান বেরাম হংগানিং উতাংকো সুস্থ মান্দাইতানে লগে মেলামেশা কুরিনা হনজানিং।



কুষ্ঠ বেরামীতাং যেসম কোন থেয়
রিয়ামগানিং, ঐ সম উতাং চিন্মুরকায়
মান্দাইতাংকো সতর্ক কুরিগানিং যে,
উতাং হেবানিয়া।

কুষ্ঠ বেরামী!
কুষ্ঠ বেরামী!



যীশু! প্রভু! চিংয়াতাংকো দয়া কুরিজুক।






হেং, পুরোহিতনে কান্দউ হেংয়ায়
সাকসানতাংকো ফুনুকজুক।



তাহংঅউ বাসম চিংয়া সুস্থ হংগা?

পুরোহিতনে কান্দউ হেং,
সাকসাকো পরিক্ষা কুরিজুক।



? !




নুক, আংয়া সুস্থ হংয়ায় হেংইয়া।



চিংয়া সুস্থ হংয়ায় হেংইয়া।

হং!



হাঙ্লেইয়া! সেকনেফা
মঙ্গলময়া! নাক্ক রওজাদং!



নাফারা দশজন বেবাকান কি
সুস্থ হংজিয়া? অন্যতাং বাথউ?
উতাং কি সেকনেফাকো রওজাদং
মামানানে লাগি হেবানাজা ?



চাকাত! নানে বিশ্বাস যে নাক্ক খালি সুস্থ
কুরিয়া ইয়া নং, কিন্তুয়ান রক্ষাবা কুরিয়া!

যীশু রামা কন্দায় রিয়ামনানে সম যিহুদী নেতাভাং উতাংনে কর্মচারীভাংকো গুপ্তচর কুরি উনে লগে হন্নতিয়া। আর উতাং সম্পূর্ণ গিদা উনে কামকো বাদা হন্নিয়া।

কর হাংনাকারী, ঘৃন্য, বেশ্যা ও বেবাক গিদা নামজা মান্দাইভাংকো যীশু উনে কান্দউ রিগামিয়া!

যেভাং গেমায় হেংইয়া উভাংকো নেমনা ও মুক্তি হন্নানে লাগি খ্রীষ্ট হেবিয়া।




কারণ যীশু বিশ্রামসালঅউ সুস্থ কুরিগানিং.....

সুস্থ হং!

আর দইসাতাং দংনিং উনে মনোযোগনে প্রধান বিষয়

দইসাতাংকো আংনে কান্দউ হেবানা হন। কারণ স্বর্গরাজ্য উতাংনে গিদা মান্দাইভাংনেই।



যিৰুশালেমনে কান্দউ বৈথনিয়া গেরামঅউ
যীশুকো রিগামা হংইয়া। লাসার বেরামী।
লাসার আর উনে দুই আবি মার্থা ও
মরিয়ম যীশুনে নাম্মাই বনাই দংনিং।
যেসম যীশু বৈথনিয়াচা হংইয়া ঐসম
খেনা মান্নিয়া যে, চাইর সাল আগেই
লাসারকো কব্বর হন্না হংইয়া।



প্রভু, না যদি এথউ দংগনিং তাহংঅউ
আনে আদা সিয়ায় হংজনিং।



মার্থা, নানে আদা আবর চাকাতগা।



হং, আংয়া মামানা। ক্ষেমাসালঅউ
পুনরুত্থানে সম উয়া আবর থাংওয়া
হংয়ায় চাকাতগা।



আংয়াই পুনরুত্থান ও জীবন; যে আংনে
সেক্কাউ বিশ্বাস কুরি, উয়া সিয়ায় হংঅউ
থাংওয়া দংগা। মার্থা, না ইয়ান রা কি
বিশ্বাস কুরি?



হা, প্রভু, আংয়া বিশ্বাস কুরিয়া যে,
পৃথিবীচা যেয়ান হেবাগা, না ঐ
প্রতিজ্ঞাত যীশু, সেকনেফানে দই।




উক্ক বাথউ সমাধি হন্নিয়া?

প্রভু, হেবায় নুক!





যিরূশালেমেনে কর্তৃপক্ষ, যীশু ও উনে
শিষ্যতাংনে লাগি আরো উতালো হংনা নাংইয়া।




ইয়ান মান্দাই বাংখালা অভাক কাম কুরিরয়া।

চিংয়া যুদি ইক্ক ইন্দাই কুরিনা হন্না,
তাহংঅউ রোমীয়তাং হেবায় শাস্তি হনগা।



উতাং চিংনে জাতি ও উপাসনা
নক বেবাক ধ্বংস কুরিগা।

নাতাং চিন্তা কুরি নেই! নাতাংনে লাগি
ইয়ান নাম্মাই যেন মান্দাইতাংনে লাগি
গইসা মান্দাই সিয়ায় হেংয়া।



ঐনা লাগিই যীশুকো সিওনা হংগা।


ঐসম তুন্ধি যীশুকো রোমীয়তাংনে
জাক্কউ হন্না হন্না লাগি যীহুদী
মাখাইকাপ্পালতাং সুযোগ নেমনানিং।
কারণ মৃত্যুদণ্ড হন্না সক্ষমতানে
অধিকারী একমাত্র উতাংই দংনিং।



যেসম যীশু বৈথনিয়াঅউ দংনিং



মরিয়ম!



ঐ বাসনা আতর!
ইয়া বাংখালা দামী।



গরীবতাংকো চেকেতা দান কুরিঅউ
চিংয়া আরো নাম্মাই কুরিগানিং!



যিহুদা, উক্ক ছারি হন, উয়া আংনে
হানকো সমাধিনে লাগি প্রস্তুত কুরিনিয়া।

নিস্তারপর্বনে লাগি বাংখালা মান্দাই রাক্কায়
রাক্কায় যিরুশালেমঅউ হেবানিয়া।



যিরুশালেমঅউ মাথাইকাপ্পালতাং যীশুকো
গ্রেপতারনে পরিকল্পনা কুরিনিয়া। কিন্তুয়ান
উয়া ঐসম শহরনে মুখি হেবানানিং।





মান্দাইতাং ফূর্তিনে লগে
উক্ক সান্তাসি মামাননিয়া!

রাক্কায় রাক্কায়!

রাক্কায় রাক্কায়!



ধন্য উয়া, যেয়ান প্রভুনে মিৎতউ হেবানিয়া।


যেয়ান ইস্রায়েলনে রাজা!



সারা দুনিয়া উক্ক
অনুসরণ কুরিগা।

চিংয়া ইন্দাই আর
কোন থেয় মানজিয়া।

উপাসনানে মূল খেয় হংইয়া,
রাজধানী শহরনে উপাসনা নক।



নিস্তার পর্বনে সম ভেড়া
উৎসর্গ কুরিওয়া হংগানিং।



সেকনেফানে লগে মান্দাইনে পুনরায় মিলননে
লাগি ভেড়া উৎসর্গ কুরিওয়া হংগানিং।




কিস্তয়ান কোন ভেড়া উৎসর্গ কি বেকিয়ানানই
মান্দাইকো পাপ তুক্কি রক্ষা কুরিনা মান্না?



মান্দাইতাং উপাসনা নকনে বারিন্দাঅউ
কারবার ও লেনদেন হয় ব্যস্ত।



যীশুও অথউ দংনিং.....




সেকেনেফানে নক হংইয়া প্রার্থনানে-নক,
কিন্তুয়ান নাফারা ইয়ান দাক্কুয়াতাংনে
আস্তানা কুরি দৌইয়া!



উয়া বিপদজনক, মান্দাইতাং
উনে সব রা গিদা রিয়ামনিয়া!



চিংকো রাক্কায় রাক্কায় উক্ক
ক্ষেমা কুরি হন্না হংগা।




চিংয়া যদি উনে লগে চালাকি কুরি, তাহংঅউ চিংয়া উক্ক
রুন্মা মানগা। ইনেপর চিংয়াতাং উক্ক চুম্মায় ফি হনগা।

কিন্তুয়ান ইয়ান উদ্রপর্বনে সালঅউ
নং। চিংয়াতাং নেইজা যে উৎসবনে
সালঅউ কোন গিদা গন্ডগোল হংসিং।



উনে লাগি নাফারা
আংকো বাখানিক হনগা?

ইস্করিয়োতীয় যিহুদা, উনে
শিম্যতাংনে মাঝিবাঅউ গইসা শিম্য!



আংয়া যীশুকো নাতাংনে
জাক্কউ রুন্মায় হনগা!



চিংয়া নাক্ক যীশুনে লাগি তিরিশতা
রুপা হনগা, যা গইসা দাসনে দাম।



যুদিবা মাথাইকাপ্লালতাং যীশুনে লাগি
ঐ সমতা কঠিন কুরি দৌইয়া, তেমা
উয়া নিস্তারপর্বনে আগেননে সাল
উপাসনা নক্ৰউ মান্দাইতাংনে লগে রা
আগানায় পার কুরিয়া।



ঐসাল সেত্তেম সম যীশু উনে বারো জন শিম্যকো হায়
শহরঅউ উদ্রারপর্বনে চানানে লাগি গইসা থেয় হংইয়া।



আংয়া ইয়া দাল অল্পউই কুরিগা!





আংয়া দুঃখভোগ কুরিনানে আগেন
নাতাংনে লগে ইয়ান উদ্ধারপর্বনে ভোজ
চাওয়া আংনে বেশ ইচ্ছা দংনিং।



যোতাং ক্ষমতায়অউ দংয়া উতাং
অইন্যতাংনে সেবা মান্না নেই, কিন্তুয়ান
নাতাংনে বেলাই ইয়া হংনাজা।



যে নেতা হংনা নেই, উক্ক
বেবাকনে সেবা কুরিনা হংগা।



আংয়া নাতাংনে মাঝিরাঅউ গইসা সেবক।








आंको मनो कुरिना लागि इक्क सबसम कुरिगा.....




इयान फिन्ना हां, इयान आंने हान!



इयान पेयाला हां, इया आंने हानिच या नातांने लागि रयाय हन्ना हंगा। इन्दाय सेकनेया नातांने लगे गइसा गेदेल नियमने चुक्ति कुरिना हेन्निया।



आंया नातांको गइसा गेदेल आदेश हन्निया। येन्दाइ आंया नाफारको मगता, उन्दाइ नाफारावा गइसा आर गइसाको मगतजुक।



युदि नातांने माक्किराउ इन्दाइ मगता दंया, ताहंउ बेबाकान मामानगा ये नाफारा आंने शिष्य।



प्रभु, आंया नाक्क बेबाक सम अनुसरण कुरिगा। नाने लागि आंया आंने परान हनगा।

पितर, दाल कक्केरेक रिगामनाने आंने ना आंको तिनवार अस्वीकार कुरिगा।

ঐ সেন্তেমনে পর যীশু ও উনে শিস্যতাং শহর তুন্ধি হেংয়ায় সন্ধিয়া।
কিন্তুয়ান ঈক্ষরিয়োতীয় যিহুদা উতাংনে লগে দংজানিং.....



আংয়া নাতাংকো দন্মায় হেংয়ায় সন্ধিয়া। আর ফা নাতাংনে লাগি পবিত্র জাঙ্গিকো
হন্নতায় হনগা। উয়া নাতাংকো সাহায্য কুরিগা আর সব সম নাতাংনে লগে দংগা।

আংয়া যেথউ হেংনিয়া,
নাফারা উনে রামা মামানা।



আংয়াই রামা ও বেবিয়ান ও জীবন;
যুদি কেওয়ান আংনে কন্দায় না হেবারা
তাহংঅউ উয়া ফানে কান্দউ হেবানা মামাজা।

নাফারা এথউ দং। আংয়া প্রার্থনা কুরিনা
লাগি চুকুইসা চেল্পুয়া হেংনিয়া।



ফা, যুদি সম্ভব হংয়া, আংনে কান্দউ
তুন্ধি ইয়ান কষ্ট রিক্কাই হন।



তেম্বা আংনে ইচ্ছা নং, কিন্তুয়ান
নানে ইচ্ছাই পূর্ণ হংসিং!



ইন্দাই সম নাফারা বাদাই কুরি সেইনিয়া? চাকাত! যে
মান্দাই আংকো রন্মায় হনগা উয়া কান্দউ হেবায়সক্কিয়া।



আংয়া যেক খুদুমা হনগা উক্কই রমগা।



হে প্রভু!



যিহুদা, না কি খ্রীষ্টকো খুদুমা
হন্নায় বিশ্বাসঘাতকতা কুরিনিয়া।

প্রভু, চিংয়া কি লড়াই কুরিগা?



নং!



যীশু উক্ক হায় হেংনা হন্নিয়া। উনে
শিষ্যতাং চাইরমুরা খাতায় হেংইয়া।

যিহুদী নেতাতাংনে প্রধান পুরোহিতনে কান্দউ যিশুকো হয় হেংওয়া হংইয়া।
পিতর ও যোহন চেক্লুয়া দংয়ায় উনে খিচাংচা খিচাংচা হেংনানিং।



পিতর নক্ষরাঅউ হেংইয়া।



নাবা ত উনে লগে দংনিং।



নং, আংয়া ঐ মান্দইকো মিখিতজা!

না উতাংনে গইসা, ইয়াই নং?



অবশ্যই নং!

আংয়া নিশ্চিত! না অথউ
দংনিং, না গইসা গালীলীয়!



না মাদা আগাননিয়া?
আংয়া মামানজা।



যীশুকো রোমীয় শাসক পীলাতনে কান্দউ হাবা হংইয়া। যীহুদী
মাথাইকাপ্পালতাং যা নুকনিং ঐতাং মামানায় যীশুকো দোষারূপ কুরিয়া।
উতাং বেবাক অভিযোগ আগানায় চিগ্নুরুকনা নাংইয়া।



না ইয়ান সব অভিযোগনে বিষয়অউ
মাদা আগানা? কিচ্ছুয়ানই আগানজা?



না মাদা কুরিয়া? আংয়া বেবিয়ানানে
বিষয়অউ
সাক্ষ্য হন্না হেবিয়া?



বেবিয়ানান মাদা?

আংয়া ইয়ান মান্দাইনে কোন দোষই
মানজিয়া। দাউ উদারপর্বনে সম, আংয়া
সাক্ষ মুক্ত কুরি হনগা। বারবাকো অথবা
যীহুদীতাংনে রাজাকো?









পীলাত মৃত্যুদণ্ডনে লুকুমঅউ সাক্ষর
কুরিয়া। ত্রুশঅউ সিওয়া দংনিং
ভয়ংকর মৃত্যুদণ্ড। যীশু যিরুশালেমেনে
রামা কন্দাই অইত্যাচারনে ঐ ত্রুশনে
ফাং বহন কুরিয়া।




সিওয়া কার্যকর কুরিনানে থেয় দংনিং শহরনে
বাইরচা। ঐ থেয়নে মিৎ দংনিং গলগথা, যেক্ক
কাপ্পালনে খাপ্পারা আগানা হংগানিং।



এথউ সৈন্যতাং যীশুকো ত্রুশঅউ
পেরাক হন্নায় সিক্কিয়া।






“যীশু যিহুদীতাংনে রাজা “ ইন্দাই গইসা
দোষ নামা লিফি ত্রুশনে সেকুউ বুলায়
হন্নিয়া যা তিনতা ভাষায় লিফুয়া দংনিং।



যীশু খা অল্পরস রিংজিয়া।



সৈন্যতাং উনে চুনা
গুলিবাট কুরি হাংইয়া।



না যুদি সেকনেফানে দই হংয়া,
তাহংঅউ ত্রুশ তুন্ধি লামি হেবা!



হা, উয়া কি অইন্যকো
রক্ষা কুরিজিয়া?

সাকসাকো ও চিংকো
রইক্ষা কুরিজুক।

সেকনেফাকো সম্মান কুরিজুক। চিংয়াতাং
ত উচিত শাস্তি মান্নিয়া, কিন্তুয়ান ইয়া
মান্দাই কোন দোষ কুরিজিয়া।



না যেসম নানে রাজ্যঅউ হেংগা
ঐসম আংকো মনো কুরিগা।



আংয়া বেব্বিয়ানানই আগাননিয়া, দালই
না আংনে লগে পরম দেশচা হেংগা।

বেলা অনুমান ১২ তা, সাল আর হল্পক
হল্লাজা, সারা দেশ আন্দার হংয়ায় দংইয়া।




যীশুনে মায়ু মরিয়ম আর উনে শিষ্য যোহন
ত্রুশনে কান্দউ চাদেংয়ায় দংনিং।

দাউ তুন্ধি না উনে মায়ু,
আর উয়া নানে দই।



আংয়া..... পিপাসিত




ফা, আংয়া নানে জাক্কউ
আংনে জাপ্তি হন্নায়া হন্নিয়া।



সেকনেফা আংনে, সেকনেফা আংনে,
না মানা আংকো ছারি হেংইয়া?



ইয়ানক্ষেমা হংইয়া।



বেলা তিনতানে সম যীশু সিয়ায় হেংইয়া, আর গইসা সৈন্য হেবায় যীশুনে পাঁজরঅউ খোঁচা হন্নিয়া, ইয়ানে অথউ তুক্কি চি ও হানচি হগতায় হেবিয়া।



শাস্ত্রনে মাঝিঅউ ইয়ান রা আগানওয়া হংইয়া “উয়া উৎসর্গ কুরিনানে ভেড়ানে গিদা হত হংইয়া”



“উয়া চিংয়াতাংনে পাপনে লাগি দুক্কু-কষ্ট সহইহ কুরিয়া” কিন্তুয়ান দাউ উয়া সিওয়া।




যানে হেবানানে রা দংনিং, উয়া কি ঐ খ্রীষ্ট?



অরিমাথিয়ানে যোসেফ ও নীকদীম যীশুনে সিওয়া হান হাংইয়া। উতাং লাশনে সেক্কউ বাসনা দ্রব্য হননানে পর মসীনা চুন্না হন্নায় খাইয়া, ও কব্বরঅউ দন্নায় গইসা মাথাই পাথর হন্নায় কব্বরনে খু বন্ধ কুরি হন্নিয়া।



হেবা, হেংয়ায় সিংয়ায়গা, উক্ক কব্বর হন্নোয়া হেংগা না মাদা?




বিশ্রামবারনে পরনে সাল কয়েকজন
শোকাত মিচ্চিত ঐ বন্ধ কুরিওয়া
কব্বরনে কান্দউ হেংইয়া



পাথরতা সরানো দংইয়া!

সিওয়াতাংনে মাঝিঝাউ থাংওয়াকো মানা
নেমনিয়া? উয়া চাকতিয়া! হেং আর উনে
শিষ্যতাংকো আগান।




পিতর আর যোহন যেসম খেনিয়া,
উতাং রাক্কাই রাক্কাই রিয়ায় কব্বরনে
কান্দউ হেংইয়া।



মাদা হংইয়া ?

ইয়া ত এক্কেবারে খালি!






কবরনে চাইরমুরা বাগাননে মাঝিঝাঅউ



মিচ্চিক, না গেরেপনিয়া
মানা? না সাক্ক নেমনিয়া?



মহাশয়, না যুদি উক্ক হয় দংইয়া?



মরিয়ম!




গুরু!



আংকো রম নং। আংনে আদাতাংনে
কান্দউ হেংয়ায় আগান, যেয়ান আংনে
ফা ও নাফারাতাংনে ফা আর আংনে
সেকনেফা ও নাফারাতাংনে সেকনেফা;
উনে কান্দউ আংয়া সেক্কউ হেংনিয়া।

ঐসাল যীশুনে দুই শিস্য হতাশ হংয়ায় রামা কন্দায় হেংনানে সম
যীশুনে ত্রুশনে সেক্কাউ সিওয়া বিষয়অউ আলোচনা কুরিনানিং.....

তাহংঅউ কি ভাববাদীতাংনে রা নাফারা বিশ্বাস কুরিনিয়া নং? খ্রীষ্টনে কি দরকার দংজানিং যে,
দুক্কু ভোগ কুরি ও সাকসানে প্রতাপঅউ নাপ্লা? ইতাং বেবাকান ত বাইবেলঅউ লিঙ্কুয়া দংয়া!



চানানে সম আতকা দুগু
গেমায়জুকিয়া

কিন্তুয়ান উয়া স্বয়ং যীশু দংনিং!



উতাং ঐসমই যীশুনে অইন্য শিষ্যতাংকো
নেমনানে লাগি হেংয়ায়সক্িয়া।

চিংয়া প্রভুকো নুক্িয়া!

মরিয়ম ও পিতরবা অথউ দংনি।



আতকা.....

আংয়া নাতাংনে শান্তি
কামনা কুরি!




নাফারাতাংনে কি বিশ্বাস
হংনিয়া নং, ইয়া আংয়া?
আংনে জাক আর দাথেং নুক!



প্রভু আংনে,
সেকনেফা আংনে!

ইনেপৰ চল্লিশ সাল বৃষ্টিয়া যীশু উনে
শিম্বাতংকো নুকা হনিয়া ও গইসালগে
পাচশ মান্দাইকোবা নুকা হনিয়া।
গইসাসাল যীশুনে কয়েকজন শিম্বা
গালীল নদীঅউ না বৃষ্টিয়ানিং.....





পিতর না কি বেবিয়ানানই আংকো মগতা?



যীশু পিতরকো তিনবার একই প্রশ্ন সিংইয়া.....



হং, প্রভু না মামানা আংয়া নাক্ক মগতা।

আংনে মেন্দাতাং পালন কুরিজুক।




আংকো অনুসরণ কুরিজুক!

স্বর্গ ও পৃথিবীনে বেবাক কর্তৃত্ব আংকো হন্মোয়া হংইয়া। নাফারা হেংয়ায় বেবাক জাতিকো শিস্য কুরিজুক; ফানে ও দইনে ও পবিত্র জাঙ্গিনে মিৎঅউ উতাংকো অবগাহন হন; আংয়া নাফারাতাংকো যা যা আদেশ কুরিয়া, উতাং পালন কুরিনা উতাংকো শিক্ষা হন।



মনো দনজুক, আংয়া যুগনে ক্ষেমা তুমাক পরতি সাল নাফারাতাংনে লগে লগে দংয়া।



ইয়ান সব রা আগানানে পর যীশু পৃথিবী ছারি স্বর্গঅউ হেংয়ায়সক্িয়া। আর উয়া আগানিয়া যে, উয়া বেবাক মান্দাইতাংনে বিচার কুরিনানে লাগি আবর পৃথিবীচা ফিরি হেবাগা।

উনে শিষ্যতাং যিরুশালেমঅউ অপেক্ষা কুরিনিং ও প্রার্থনা কুরিনিং। পবিত্র জাংগি, সেকনেফানে জাংগি উতাংকো পূর্ণ কুরিয়া। একই জাংগি যা যীশুনে লগে দংনিং আর দাউ উয়া উতাংনে লগে দংনিয়া। যেতাং যীশুনে বিষংঅউ যুক্তানে লগে সাক্ষ্য বহন কুরিগা, যীশু উতাংকো গেদেল মান্দাই কুরি তৈরি কুরিগা।

সিওয়া যীশুকো রুম্মায় দন্না মানজিয়া। সেকনেফা উক্ক পুনরায় সিওয়া তুক্কি থাংওয়া কুরিয়া। আর উক্ক মশীহ, প্রভু কুরিয়া!



যীশুনে শিষ্যতাং বাংখালা বিরোধীতা দংঅউ ছড়ায় গাল্লিয়া।

যীশু হংইয়া সেকনেফানে দই!



ইয়ান রা চিঠিনে মাঝিঝাউবা প্রচার কুরিওয়া হংনিং।

যেসম যীশু ক্রুশনে সেক্কউ সিয় কুরিয়া ঐসম উয়া চিংয়াতাংনে বেবাক পাপ উনে সাকসানে হানঅউ বহন কুরিয়া। ঐনালাগি চিংয়াতাংবা পাপনে লগে সিয় কুরিয়া, আর দাউ তুক্কি যে জীবন দংয়া উয়া সেকনেফা যেন্দাই পরিচালনা কুরিনা নেই; উন্দাই পরিচালিত হংগা।




দাউ যীশুনে শিষ্যতাং সারা পৃথিবীঅউ গইসালগে প্রার্থনা ও শাস্ত্র পাঠ কুরিনা লাগি মিলিত হংয়া। যীশুনে সিওয়া মনো কুরিনা লাগি উতাং সাকসানতাংনে মাঝিঝাউ ফিত্তা ফেইয়া ও দ্রাক্ষারস রিংওয়ায় নিবিষ্ট দংয়া। ইয়ানই সেকনেফানে ইচ্ছা, যেন উতাংনে হৃদয়অউ সেকনেফানে যে মগতা দংয়া; উয়া যেন উতাংনে চাইরমুখি যেতাং দংয়া উতাংনে বেবাকনে লগে বক্ষরা কুরি।

সেকনেফানে যে উদ্দেশ্য
উয়া যীশু মান্দাইতাংনে
লাগি সহজ কুরিয়া।



যীশু চিংয়াতাকো মগতা! উনে প্রতি
কৃতজ্ঞ হং আর উক্ক রিগামজুক!



সেকনেফা পৃথিবীকো ইন্দায় মগতিয়া যে, উনে
একজাত দইকো দান কুরিয়া, যেন যে কেউয়ান
উক্ক বিশ্বাস কুরি উয়া বিনষ্ট না হংয়া, কিন্তুয়ান
অনন্ত জীবন মান্না।

WILLEM DE VINK

পবিত্র বাইবেল

যীশু খ্রীষ্টনে জীবননে ঘটনাতাং পবিত্র বাইবেলঅউ লিপিবদ্ধ দংয়া। বাইবেল তুষ্কি আর কোন বই এত্তবেশি পড়া হংজিয়া। বেবাক গিদা বই তুষ্কি ইয়া গইসা পূর্ণাঙ্গ বই। পবিত্র বাইবেল লিঙ্কুয়ানে লাগি পরায় ১৫০০ বছর দরকার হংনিং। পরায় ১৯০০ বছর আগে পবিত্র বাইবেল লিঙ্কুয়া ক্ষেমা হংনিং। সেকনেফা বাদাই কুরি মান্দাইনে জীবননে লগে সংযুক্ত হংনিং ইয়ান বিষয়অউ বেবাক গিদা ঘটনাতাং পবিত্র বাইবেলঅউ উল্লেখ দংয়া। সেকনেফা সারা উয়া যীশু খ্রীষ্টনে জীবন কন্দাই স্পষ্ট কুরি ফুনুকায় হন্নিয়া।


যীশুনে ইতিহাস

পবিত্র বাইবেলঅউ চাইরতা বক্ষরা দংয়া যেথউ যীশু খ্রীষ্টনে জীবন সম্পর্কঅউ বর্ননা কুরিওয়া দংয়া। বক্ষরাতাং লেখকতাংনে মিং অনুসারেই হংইয়া। ইয়ান লেখকতাং যীশু খ্রীষ্টনে জীবনকালীন সমঅউ থাংওয়া দংনিং।

১) মথি- মথি দংনিং যীশু খ্রীষ্টনে গইসা শিষ্য। উয়া কর হাংনাকারী হিসাবঅউ কাম রুমগানিং। উয়া বিশেষ কুরি বর্ননা কুরিয়া যে, বাদাই কুরি যীশু যিহুদী জাতিনে লগে সংযোগ স্থাপন কুরিয়া।

২) মার্ক - যেসম যীশু উনে কাম আরম্ভ কুরিয়া ঐসম মার্ক দংনিং এক্বেবারে ফান্তাই। উয়া সংখেপঅউ যীশু যে কামতাং কুরিয়া উতাং লিপিবদ্ধ কুরিয়া।

৩) লুক- উয়া দংনিং গইসা দাক্তর। উয়া সাকসা যীশু খ্রীষ্টকো মামানজানিং। যীশু মান্দাইনে লগে বাদাই কুরি সংযুক্ত হংইয়া ইয়ান বিষয়অউ লুক বর্ননা কুরিয়া।



৪) যোহন- যোহনবা দংনিং যীশু খ্রীষ্টনে গইসা শিষ্য। বেবিয়ানানই যীশু খ্রীষ্ট সারা দংনিং যোহন প্রধানত ইয়ান বিষয় ফুনুকিয়া। যীশু খ্রীষ্ট দংনিং সেকনেফা, যেয়ান মান্দাই হংয়ায় মান্দাইতাংকো উতাংনে পাপ তুষ্কি মুক্ত কুরিনা হেবানিং।

যীশুনে আশুদাগাল্লা


যেসম যীশুনে আশুদাগাল্লা হংয়া ঐসমবা যীশুনে
মায়ু মরিয়মনে সাঙ্গা হংজিয়া। মরিয়ম ঐসমবা
কুমারী দংনিং। তবুয়ান সেকনেফা যীশুনে
আশুদাগাল্লানে বেবাক ব্যবস্থা কুরি দননিং।
যীশুনে ইয়ান অলৌকিক আশুদাগাল্লানে রা
যীশুনে আশুদাগাল্লানে বাংখালা সাল আগেনই
সেকনেফা ভাববাদীতাং কন্দাই আগাননিং। যীশু
খ্রীষ্ট গইসা নায়ক বা বিশেষ কোন মান্দাইনে
গিদা আশুদাগালজিয়া। উয়া ইন্দায় গইসাথেয়
আশুদাগাল্লিয়া যে, যেথউ দংনানে লাগি কোন
নক দংজানিং।

যীশুনে অবাক কাম

যীশু বাংখালা অবাক কাম কুরিনিং। পবিত্র বাইবেলঅউ
৪০তারও বেশি বেরাম তুঙ্কি নাম্মাই কুরিনানে রা
আগানওয়া দংয়া। আর বেবাক অবাক কাম কন্দাই উয়া
সেকনেফানে যুক্তা ও মগতা ফুনুকনিং। থিক উন্দায় উয়া
মান্দাইকো সাহায্য কুরিয়া ও উতাংকো খুশি কুরিয়া।



যীশুনে সিওয়া ও সিওয়া তুষ্কি
থাংওয়া হংয়ায় চাকাতা।



যীশু মানা সিয়কো বরণ কুরিয়া? ইয়ান
পবিত্র বাইবেলঅউ বর্ননা কুরিওয়া দংয়া।

চিংয়া বেবাক মান্দাই বাংখালা সম ভুল কুরি দংয়া। যে বিষয়তাং উয়া নেইজা আর যে বিষয়তাং উক্ক দুক্কু ও রাগাশ্বিত কুরি দংয়া ঐতাংই হংইয়া পাপ। ঐ পাপতাং মান্দাইকো সেকনেফা তুষ্কি আলাদা কুরি দংয়া ও বন্ধুত্ব তুষ্কি রিক্কাই হন্না। উয়া সাকসানে ইচ্ছা গিদা চিংনে পাপনে শাস্তি সাকসা বহন কুরিয়া আর ইনালাগিই যীশু হেবানিং। ঐ শাস্তি দংনিং সিওয়া। যেসম যীশু চিংনে পাপনে লাগি ক্রুশঅউ সিয়াইয়া ঐসম তুষ্কি চিংয়া আবর সেকনেফানে বনাই হংনা মান্দিয়া। কিন্তুয়ান চিংয়া যে পাপ কুরিয়া উনেলাগি চিংকো অনুতাপ কুরিনা হংগা।

যীশু সিওয়া তুষ্কি থাংওয়া হংয়ায় চাকাতিয়া। সেকনেফা আবার উক্ক জীবন হন্দিয়া। ইয়া হন্য়ায় সেকনেফা ফুনুকিয়া যে , উয়া সিওয়া তুষ্কি আরোবা বাংখালা যুক্তাঅলা।

যীশু খ্রীষ্ট থাংওয়া অবস্থায় দাউ সেকনেফানে লগে দংয়া। আর যেহেতু উয়া থাংওয়া দংয়া সেহেতু উয়া সবসম চিংয়াতাংনে বনাই হংনা মান্দিয়া। জীবন যেন্দাই পরিচালনা কুরিঅউ সেকনেফা খুশি হংয়া, উন্দায় জীবন যাপন কুরিনানে লাগি সেকনেফা চিংয়াতাংকো সাহায্য কুরিনা নেই।

প্রার্থনা

না যদি নানে পাপনে লাগি অনুতপ্ত হংয়ায় দংয়া, আর যদি না সেকনেফানে বনাই হংনা নেই; তাহংঅউ না প্রার্থনা কুরিনা মান্দিয়া।

প্রিয় সেকনেফা , আংয়া মামানা না আংকো মগতা। না আংনে লাগি নানে গইসা মাত্র দই প্রভু যীশুকো হন্নতায় হন্দিয়া। আর আংনে বেবাক পাপ ফাঙ্কারিঅউ হায় উয়া ক্রুশঅউ সিয়াইয়া।

প্রভু যীশু, না আংনে লগে দংয়া ইনা লাগি নাক্ক রওজাদং। আংনে বেবাক পাপনে লাগি আংয়া দুকখিত। আর দয়া কুরি আংনে বেবাক পাপ মাপ কুরি হন।

দয়াকুরি আংকো সাহায্য কুরিজুক যেন আংয়া নানে ইচ্ছাগিদা জীবন যাপন কুরিনা মান্দিয়া। আর না আংনে লগে দং। না আংনে লাগি যা প্রতিজ্ঞা কুরিয়া উয়া আংনে লাগি কুরিজুক। আংনে প্রার্থনানে উত্তর হন্নানে লাগি নাক্ক রওজাদং।

না আর যীশু

যীশু খ্রীষ্টনে ঘটনা গইসা চলমান কাম, উয়া বাংখালা মান্দাইনে গইসা মহান বনাই ঐসমবা দংনিং; আর দাউবা দংয়া। ইয়ান পৃথিবী দাল বদলায় হেংইয়া। বাংখালা মান্দাই দাউ আর ঘরা ও গাদানে সেক্কাউ দৌয়ায় রিয়ামজা। কিন্তুয়ান দাউ মান্দাই মটরগাডি বা উড়োজাহাজ কুরি রিয়ামা। আর ইতাং যীশুনে কান্দউ কোন পার্থক্য তৈরি কুরিজা। যেন্দাই উয়া ঐসম যিহুদীতাংনে লগে দংনিং উন্দাই দাউবা চিংনে লগে দংয়া। হয়ত উক্ক দাউ নুকনা হেংজা কিন্তুয়ান উয়া বাস্তব। দালবা উয়া নানে বনাই হংনা নেই। না উনে রা খেনা মান্না, আর উক্ক মগতনা মান্না।

না কি যীশু ও উনে জীবনে বিষয়অউ আরোবা বাংখালা মামান্না নেই? তাহংঅউ না নিংঅউনে বিষয়তাং অনুসরণ কুরিজুক।

১) না সাকসা পবিত্র বাইবেল পড়া আরম্ভ কুরিজুক (উদাহরণ স্বরূপ না লুকনে লিঙ্কুয়া সুসমাচার পড়া আরম্ভ কুরিজুক)

২) প্রার্থনা কুরিওয়া আরম্ভ কুরিজুক (সেকনেফানে লগে রা আগান ও উনে রা খেনজুক, প্রার্থনানে সম নানে কোন বিশেষ শব্দ,রা ও ভাষা ব্যবহার কুরিনানে দরকার দংজা)

৩) অন্য মান্দাইতাংনে লগে যীশু ও পবিত্র বাইবেলনে বিষয়অউ রা আগান। প্রভু যীশু নেই যেন উনে শিষ্যতাং গইসাথেয় মিলিত হংয়া ও উতাং গইসা আর গইসানে কান্দউ তুক্কি আরো শিক্ষা লাভ কুরিনা মান্না।



Translator Name: Pastor Rai Chand Barman
Publisher: KRISTALAYA MERCY MISSION
Printed: Kristalaya Printers

Text and illustrations: Willem de vink Copyright 1993 Stitching Wereldtaal, Rotterdam, The Netherlands, Published in Dutch as "Jezus Messias".

Edition in **Koch** 2024: ISBN: - 978-94-93178-56-4 Digital copyright under the terms of the Creative commons BY-SA licence. All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail: jmpbk.app@gmail.com Web: jesusmessiahcomicmedia.com/bangladesh

মশীহ যীশু

যীশু খ্রীষ্টনে বিষয়অউ ইয়া গইসা বেব্বিয়ানান কাহিনী। পরায় ২০০০ বসর আগেন উয়া যিরুশালেমঅউ দংগাংনিং। যেতাং উনে লগে নুকা কুরিয়া উতাং বেবাকান অবাক হংইয়া। উয়া যা কুরিয়া উয়া কেউয়ান কোন সম কুরিনা মানজিয়া। উয়া যেতাং আগানিয়া ঐতাং আর কেউয়ান আগাননা মানজিয়া। যীশু যেথউই দংনিং অথউই অবাক কাম হংইয়া। যেতাং উনে রা মনচা খেয়াল কুরি খেনিয়া উতাংনে বেবাকাননে জীবনঅউ উয়া সুখ, শান্তি ও আনন্দ হয় হেবিয়া। যুদিওবা আতকা কুরি ইনে ক্ষেমা হংইয়া, উনে শত্রুতাং উক্ক চুম্মায় ফি হন্নিয়া; তবুয়ান ইয়ান ক্ষেমা দংজানিং। ইয়া বাদাই কুরি হংনিং, ইয়া না সাকসা পড়িজুক আর নুকজুক; বাদাই কুরি প্রভু যীশু খ্রীষ্টনে কাহিনী চলমান দংয়া!



Language : Koch

ISBN : 978-94-93178-56-4